

卷三十

書名 錦繡萬花谷後集四十卷 嘉靖十五年序
錫山秦汴繡石書堂刊本後修
撰者 宋 闕名 撰
卷 卷三十
內容分類 子-類書-彙考-宋
索書號 大木-子部-類書類-31
編號 C5924800

[彩色首頁1](#)

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本全文影像資料庫 索書號: 大木-子部-類書類-31](#)

[漢籍善本全文影像資料庫文本錦繡萬花谷後集四十卷 嘉靖十五年序錫山秦汴繡石書堂刊本後修](#)

版權所有: [東京大學](#) [東洋文化研究所](#)
[使用上的注意事項](#)

錦繡萬花谷後集卷之四

元日

微陽始布聲無不宜和神養素
義之月儀書曰日往月來元正首祚太簇告辰

端月燭寶典云元正端月

傳唐長安風俗每至元日已後遞飲酒相邀迎號
出法苑珠林

放鄆以正朝獻雀於趙王而綴以五綵王大悅

申子順子順曰正朝放之求有生也 出初學記

膠牙餠取膠固之義 出荆楚歲時記

武帝正月賜群臣却鬼丸 出碎事

金門歲節曰洛陽人家正旦造絲鵝蠟燕粉

錦繡萬花谷後集卷之三十

旌旗

翠鳳李斯上書曰今陛下建翠鳳之旗樹靈鼉之鼓
鼓音舉白金音舉青軍令曰聞雷鼓音舉白幢絲旗大
小船皆進戰不進者斬聞金音舉青旗船皆止不止者
斬

黃鳥之旗墨子曰赤鳥銜書降曰命周文王伐殷天賜
武王黃鳥之旗

正正之旗黃帝出軍決曰始立牙之日吉氣來應旗幡
指敵是謂堂堂之陣正正之旗此大勝之徵

翼星明翼星明旌旗用

天文要集

鳥集旌上鳥集將軍旌上將軍增秩祿

趙氏兵書

五方法風后曰予告汝帝之五旗東方法青龍曰旗南方法赤鳥曰鼠西方法白虎曰典北方法玄蛇曰旂中方法黃龍曰常河圖

旗上有光郝明古曰旗上有光人主大喜延年益壽

四獸禮記曰行前朱鳥而後玄武左青龍而右白虎招

搖在上急繕其怒以此四獸爲軍陣象天也畫招搖星

晉元皇始制五牛之旗設青在左黃在中周遷車服雜記

婉蛇垂天王沉餞行賦曰曳招搖之脩旗若婉虹之垂

天

旗制三十二旗之制三十有二其大總管一曰青龍旗

二曰白獸旗三曰朱雀旗四曰玄武旗五曰黃龍負圖

旗六曰應龍旗七曰龍馬旗八曰王馬旗九曰鳳皇旗

十曰鸞旗十一曰鷩鷩旗十二曰太平旗十三曰麒麟

旗十四曰飛麟旗十五曰飛黃旗十六曰馱駝旗十七

曰白澤旗十八曰五牛旗十九曰犀角旗二十曰金牛

旗二十一曰兕旗二十二曰三角獸旗二十三曰角瑞

旗二十四曰吉利旗二十五曰騶騶旗二十六曰騶牙

旗二十七曰黃鹿旗二十八曰白狼旗二十九曰赤熊

旗三十曰辟邪旗三十一曰苙文旗三十二曰白刀旗

唐六典武庫令

劍

青龍象劍之在左青龍象也春秋繁露

齊金桓公問曰齊國寡甲兵爲之若何管子曰小罪謫

以金分宥問罪入美金以鑄劍戟試之狗馬國語

楚鐵秦昭王臨朝歎息曰吾聞楚之鐵劍利則士勇也

王頭張敞晉東宮舊事曰太子儀飾有玉頭劍

文王通犀魏文帝典論曰余好擊劍命彼國工以爲寶
器飾以文王表以通犀

金鐵英銀錫精秦客薛燭善相劍楚王取湛盧示之燭
曰善哉銜金鐵之英吐銀錫之精

吳越春秋

五色駭鑪余好擊劍善以短乘長選茲良金命彼國工
精而鍊之至于百辟其始成也五色駭鑪巨橐自鼓

帝典論

華陰赤土雷煥得豐城劍取南昌西山下土拭劍送一
劍并土與張華華以南昌土不如華陰赤土報雷煥書

云云兼以華陰土一觔致煥煥將拭劍轉精明也

青龍突陣開元中河西騎將宋青春每陣常運臂大呼
執戟而旋未嘗中鋒鏑西戎憚之後吐蕃入寇獲生口
數千軍帥令澤問衣大蟲皮者爾何不能害答曰嘗見
青龍突陣而來兵刃所及若叩銅鐵青春乃知劍也有
靈也

火精德宗將幸奉天自携火精劍出內殿因嘆曰千萬
年社稷豈謂狗鼠所竊耶遂以劍斫檻上鐵狻猊應手
而碎上曰若碎小寇如碎狻猊不足憂也及乘輿遇夜
侍從皆見上仗數尺光明即火精劍也

唐杜陽編

神芝生黑煙成都朱善存家世寶一劍每生神芝則
天下晏清如安史黃巢亂劍皆生黑煙屬天不差毫髮

鐵劍星鐔鄭雲達少時得一劍鱗缺星鐔有時而吼常在庄居晴日藉膝玩之忽有一人從庭樹窅然而下紫衣朱紉髮露劍而立黑氣周身狀如重霧其人因言我上界人知公有異劍願借一觀鄭謂曰此凡鐵爾不堪君翫上界豈藉此乎其人求之不已鄭俟便疾起斫之不中黑氣著地數日方散

色青無刃大曆中高郵人張存以踏藕爲業嘗於陂中見早藕梢大如臂遂併力掘之深二丈大至合抱似不可窮乃斷之中得一劍長二尺色青無刃西陽雜俎

我有一寶劍出自昆吾溪照人如照水切玉如切泥鐔邊霜凜凜匣上風淒淒寄語張公子何當來見携埃

寶劍出昆吾龍夾采珠五精初獻術十戶竟論都匣氣衝牛斗山形轉鹿盧欲知天下貴持此問風湖崔融贈劍刻玉字延平兩蛟龍庭李太白洞按綵團金懸麗穎神光欲截藍田玉提出西方白帝驚嗷嗷鬼母秋郊哭○先輩匣中三尺水曾入吳潭斬龍子金李賀寶劍雙蛟龍雪花照芙蓉精光射天地電騰不可衝感遇集

刀

周之寶器赤刀周之寶器博物志

三刀名也崔豹古今注

鑄刀以五月丙午古人鑄刀以五月丙午取純火精以協其數吳喜志材

百辟寶刀典論曰魏太子丕造百辟寶刀三一日靈寶

二曰金章三曰素質又作露陌刀一名龍鱗矣

脫光龍魚河圖曰有脫光刀

金馬託形李無金馬書刀銘云巧冶鍊剛金馬託形

三公可服晉中興書云初魏徐州刺史任城呂虔佩刀工相之以爲必三公可服此刀虔謂別駕王祥曰苟非其入刀或爲害卿有公輔之量故以相與祥辭之固强乃受之

解數千人庖丁爲文惠君解牛丁曰今臣之刀十九年矣所解數千牛而刀若新發於硎彼節者有聞而刀刃者無厚以無厚又無間恢恢乎其游刃必有餘地於是

以十九年刀刃如新莊子

刀五枚以龍熊馬雀爲飾

麥芒牛僧孺進士時常用麥芒刀字有誤謬隨手刪割點定三賢典畧

弓矢

天下精材齊景公使人爲弓弓人之妻曰此弓者泰山南鳥號之柘燕牛之角荆麋之弭河魚之膠四物者天下之精材也

韓詩外傳

柘上竹下周禮曰凡取幹之道七柘爲上櫪次之櫪桑次之竹爲下

蜃珧爾雅曰弓有緣者謂之弭以蜃謂之珧

成規周禮云天子之弓合九而成規大夫之弓合五而成規士之弓合三而成規

東房尚書曰和之弓在東房

孔安國注曰和古之弓人也

青檀河東有獨頭山多青檀可以為良弓

遁甲開山圖

相幹欲赤黑陽聲周禮曰弓人為弓取六材必其時凡相幹欲赤黑而陽聲赤黑則向心陽聲則遠根種麻為弦越絕書曰麻林山勾踐欲伐吳種麻為弓弦使齊人守之

竹弓角弓晉令曰弓弩士習弓射者給竹弓角弓皆二人一張

牛角麋筋晉平公使工為弓其妻見公曰妾之造此弓亦已勞矣幹生太山之阿傳以燕牛之角纏以荆麋之筋糊以河魚之膠此四者天下之選也

列女傳

請弓人河中李德裕為鄭滑節度使徙劍南西川請弓

人河中由是蜀之器械皆犀銳

授士名王忠嗣召屬長付以兵使授士卒雖弓矢亦誌姓名其上軍還遺弦亡鏃皆按名第罪以是部下人自勸

青石為鏃挹婁在夫餘東北千餘里弓長四尺如弩括長八寸青石為鏃

魏志

霍景太公六韜曰陷堅陣敗強敵大黃參連弓飛鳧電

景自副羽景矢名青莖赤羽以銅為首

朱羽之矰吳晉會于黃池吳王擐甲陳卒赤旗朱羽之矰望之如火

賈逵注曰朱羽為矰

射石楚熊渠子夜行見寢石似伏獸射之沒羽

劉向新序

射石自將戈道道長一日六里箭可長五丈矣曰

子之治晉陽公宮之堂皆鍊銅爲柱吾發而用之有餘金矣韓子

歸楚王張繁弱之弓載忘歸之矢以射蛟兕於雲夢孔叢子

信趙氏兵書曰矢一名信往

詩上弦明月半激箭流星遠落鴈帶書驚啼猿映枝轉唐太虞人招不進繁氏父彌工已悲軒主跡復挹楚王風後梁霜重麟膠勁風高月影圓鳥飛隨帝輦鴈落逐鳴弦楊師道

甲冑

甲之制十有三甲之制十有三一曰明光甲二曰光要甲三曰細鱗甲四曰山文甲五曰烏鎚甲六曰白布甲

七曰皂絹甲八曰布背甲九曰步兵甲十曰皮甲十有

一曰木甲十有二曰鎧子甲十有三曰馬甲明光光要

烏鎚鎧子皆鐵甲也皮甲以犀兕爲之其餘皆因所用物名焉武庫令

短長三制馬燧造鎧必短長三制稱士所衣以便進趨

絞革犀兕荀卿子曰楚人絞革犀兕以爲甲

甲光炫日高麗時百濟上金髮鎧又以玄金爲山五丈

鎧士被以從帝與勳會甲光炫日唐書

鎧甲華整王世充兄子琬使於建德乘隋帝廐馬鎧甲

華整出入軍中以誇衆尉遲恭傳

襪紙爲鎧徐商拜河中節度置備征軍凡千人襪紙爲

鎧勁矢不能動六帖

被甲而臥劉詞居暇日嘗被甲枕戈而臥謂人曰我以

此取富貴豈可一日輒忘之且人情易習若一墮其筋力有事何以報國五代史

五色奪目石季龍左右直衛萬人皆著五色細鎧光耀奪目陸翹鄴中記

高與熊耳山等劉盆子與丞相已下二十餘萬人詣宜降光武積甲於宜陽城西高與熊耳山等東觀漢記

鞍轡

白光琉璃武帝時身毒國獻白光琉璃在暗室光照十丈

攻珣石武帝得貳師天馬造攻珣石為鞍西京雜記

馬不肯渡王武子常乘一馬著連乾障泥前有水馬不肯渡王云此必惜障泥使人解去馬乃渡世說

懸柱太祖馬鞍在庫為鼠所齧庫吏懼死鄧哀王冲以

刀穿單衣如鼠齧者謬有愁色太祖問之冲曰俗以鼠齧衣者其主不吉太祖曰妄言耳俄而庫吏以齧鞍聞太祖笑曰兒衣在側而齧况懸柱乎魏志

鏤衢梁冀以一鏤衢鞍遺公孫奮三輔決錄

紫茸魏百官各有紫茸題頭高橋鞍一具

公舍挈壺氏挈轡以令舍鄭司農注云懸轡於所

犯軼大馭掌馭王路以祀及犯軼王自左馭馭下祝登轡犯軼遂驅之金周禮

正身以總善御馬者正身以總轡家語

太僕執百官春秋曰大駕公卿奉引太僕轡大將軍陪乘光武東京郊祀法駕則河南尹奉引奉車都尉執轡

侍中參乘

得手應心

凡御者得之於銜應之於轡得之於手應之

於心

列子

錦繡萬花谷後集卷之三十一

錦繡萬花谷後集卷之三十一

金銀

狀如印齒

盧江太守路永表言於穀城北見水岸邊紫

赤光得金一枚狀如印齒

晉永和起居注

光若鏡盤

黃金之氣赤黃千萬觔以上光大若鏡盤金

氣發本上赤下青也

地鎮圖

鳴山涌地

少昊時金鳴於山銀涌於地或如龜蛇之類

乍似人鬼之形

王子年拾遺記

耀室

董統上言於慕容垂曰臣聞陛下之奇有六焉厥

初之奇金光耀室

崔鴻後燕錄

照泥

方丈山有池泥色金而味辛以泥爲器可作

丹矣百鍊可爲金金色青照鬼魅猶如照面不得藏形